

中國方志叢書·華中地方·第一三九號


據

清·潘鎔修，沈學淵纂
清嘉慶十九年刊本

影印

江蘇省

蕭縣志



成文出版社有限公司印行



10096387

中國方志叢書·華中地方·第一三九號

據

清·潘鎔修，沈學淵纂
清嘉慶十九年刊本

影印

江蘇省

蕭縣志



成文出版社有限公司印行



10096388

中國方志叢書·華中地方·第一三九號

據

清·潘鎔修，沈學淵纂
嘉慶十九年刊本

影印

江蘇省

蕭縣志



成文出版社有限公司印行



10096389

中國方志叢書·華中地方·第一三九號


據

清·潘鎔修，沈學淵纂
清嘉慶十九年刊本

影印

江蘇省

蕭縣志



成文出版社有限公司印行



10096390

中華民國六十三年六月臺一版

蕭 縣 志 全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

嘉慶十九年重修

蕭縣志

本衙藏板

蕭縣志序

彭城古宋地今蕭縣卽古蕭子國也地富山水
俗樸茂而士秀文有鄒魯風予慕之惜未得至
其地嘉慶丁卯奉

命典試西江道出徐郡信宿卽去乙亥之春來徐覲
學扃試畢卽驅馬胸山則蕭縣固無因至焉又
烏能知其爲名臯隩區哉則於潘子朗齋令是
邑而知之朗齋予同硯友也以名孝廉歷宰劇
邑後至蕭下車之始剔姦釐弊百廢具興治蒸

蒸日上暇時以著作自娛檢舊志閱百二十餘
年未加修輯爰集同人朝夕採擇逾年書成屬
予序之嗟乎天地之大山川之廣豈耳目所能
窮哉凡人屐齒所經每自詡爲探異搜奇及至
一地又闢一境而知局於當前之一邱一壑者
妄也予至彭城於水見黃河之大且深於山見
雲龍之峻而幽及得是志而讀之曠如奧如恍
若置身山水窟中而疲於應接豈不快哉夫蕭
僅一邑耳推而至一郡推而至一省其人愈廣

蕭志邇成予維地方牧令皆所以佐

坐天子治民者也自古有治人無治法道爲千古不易法則與時變通後之人苟能讀是編而師其意則戢暴兼以勸善衛民卽以寓兵必有神明於保甲之中而可以備保甲所未及者作志之功顯不偉與若其攷覈精詳事增文簡則固素承家學根柢深醇而平時實心實政惠愛及民又無待予之揚摧也是爲序

嘉慶二十年歲次旃蒙大淵獻孟春上浣知江

南徐州府事喀喇沁音德和書於彭城郡署之
逍遙堂

蕭縣志序

周禮大司徒之職掌天下土地之圖周知九州之地域廣輪辨其山川邱陵墳衍原隰而比閭族黨之法行焉是卽各邑志乘之權輿而後世保甲所由昉也夫志乘爲一邑全書乃古今寶鑑保甲爲當時功令實弭盜良規二者相須不可偏廢俗吏闇於治體視爲迂遠而濶於事情彼其所務在催科所工在粉飾至卽以戶口之登耗風俗之淳漓人民之良莠或有未能了

者徐之屬蕭爲最近昔人所稱土沃利興山深
俗朴者也閱其志自康熙年間纂修距今且百
二十餘年矣吳興朗齋潘君自江都再莅是邑
以爲道里遼闊奸宄易生河患頻仍今昔殊制
非續加編纂則得失於何考鏡乃援古証今悉
心而采輯之會前歲奉

旨申明保甲之令造煙戶冊立十家牌于是里居繁
衍村落畸零莫不絲牽繩貫使守望者相爲助
道逃者無所容遠近之間釐然各正而潘君之

其事愈繁其責愈重將何以撫摩而噢咻之歟
潘子勉乎哉果能在其位謀其政一爲

國家宣勞下爲士民錫福迨政成俗美然後取省
志而修之洋洋乎著作之庭得失之林更可播
休譽而垂無窮潘子勉乎哉至於風土人民政
治以及古今沿襲變遷之蹟詳哉其言之矣何
贅焉

嘉慶二十年歲次乙亥孟夏四月中浣

賜進士及第

欽命工部左侍郎提督江蘇全省學政歸安王以銜

撰

蕭縣志序

邑志者志一邑之山川風土人民政治以見古今變遷得失之故也蕭縣處萬山之中岡巒起伏四圍如環探其幽峭類多奧區名勝故其士敦樸而淳茂其民質直而好義古所稱地近鄒魯習俗相同誠非虛語然而襟帶礪豐錯峙永宿道里遼闊茲九易生豈風教之果果抑良莠有不同也且蕭向稱澤國淇汴二水爲之經流姬村永固諸湖爲之潴蓄東南半境都患沮洳自黃流奪汴水挾沙行時有衝決及水退歸槽而千頃渟淵淤爲平陸近百餘年間黃河異漲復益以洪閘兩河每一漫溢或行萊之地變爲

上腴或耕墾之區積爲沙鹵按九等以定賦而變易靡常
難拘成格至於修隄堰鑿陂渠應難徼於民者自正賦以
外又不下數十餘萬牧斯土者撫字催科頗難兼善况水
旱偏災歲恒疊告倘碭汎漫工蕭當下遊之衝爲害尤烈
時致上庫

宸衷仰邀

惠典獨賑頻施是邑之民受惠最深亦受

恩最渥不爲之編輯成書則凡形勢之阻安戢之難田賦之疎

饑饉之薦

膏澤之多何以昭示後人資鏡來者爲是邦陳其利害哉然則

邑志之修當務爲急余於己巳春莅任茲邑卽索縣志覽之其書已閱百二十餘年之久前後易轍今乃異於古所云然亟思重輯之案牒旁午亦未遑暇迨癸酉冬自江都奉調復來始與邑士大夫共謀纂集閱一歲而書成夫志乘之大端在乎紀綱時務經緯人倫必使一邑利弊如指掌之末觀水之洞不徒粉飾藻繪矜人耳目亦之憂已也抑更有說者志書之體與史家義同而例異史家褒貶子奪嚴於一字以上承筆削大權志則於徵文考獻之中仍寓隱惡揚善之意今我

皇上命在廷諸臣續修一統志直省大吏亦有增修通志之舉